

TUZAMK PRESS

press release tuzlanskog auto moto kluba

14 - juli 2012.

32. TURISTIČKO SPORTSKI AUTO RALLY "BRČKO BANOVIĆI 2012"



U organizaciji Auto-moto kluba Brčko Distrikta i Auto moto kluba Banovići te tehničku asistenciju Tuzlanskog auto moto kluba Tuzamk, održan je 32. tradicionalni Auto - Rally Brčko – Banovići koji već osmu godinu po redu predstavlja i sportsko -turistička manifestaciju. Tako se u okviru Rally-ja i dalje zadržalo prvenstvo Bosne i Hercegovine u ocjenskoj vožnji spremnosti kao najinteresantniji dio Rally-ja, te turistički dio u kojem se obilaze turistički

punktovi na potezu Brčko, Pelagićevo, Gradačac, Srebrenik jezero Modrac i Banovići.

Nakon višegodišnjeg statovanja iz Banovića ove godine učesnici Rally-a startovali su iz Brčkog vozeći u uslovima redovnog saobraćaja stazom dugom 123 km do Banovića.

U sportskom dijelu manifestacije prijavilo se 55 takmičara od kojih je 43 završilo takmičenje. te šezdeset posada rekreati-






vaca, koji su odlučili da učestvuju u Rally-u kao vozači amateri - turisti. Takmičari su imali dva ispita spretnosti, prvi u Brčkom i drugi u Banovićima.

"Sportski 32. po redu Rally Brčko – Banovići organizovan je jako dobro, ali smo očekivali nešto veći broj vozača u turističkom dijelu Rally-a. Ova manifestacija postaje jedan od najznačajnijih Rally-a ne samo u BiH, nego i šire, što se vidi i po učesnicima koji dolaze i izvan BiH, a dokaz tome je i četvrto učešće predstavnika iz Srbije" - kazao je delegat Rally-a Ozren Božanović.

Sekretar Auto-moto društva Brčko Hazim Musić je naglasio da je veoma zadovoljan, te da mu se čini da je i ovaj Rally u potpunosti odgovorio svom cilju, a to je druže-

nje i podsjećanje na značaj auto-sporta u BiH. Zahvalnost organizatoru u ime takmičara iskazao je i Drobina Aleksa, takmičar iz Sombora, koji je istakao da ovakva druženja imaju za cilj i uzvratne posjete, pa je spremjan u Somboru dočekati takmičare iz cijele BiH, a posebno iz Brčkog. Ove godine na Auto Rally-u Brčko – Banovići učestvovala je i ekipa VR Virtual road-Video magazina.

Ekipa Tuzamka-a u sportskom dijelu brojala je 17 takmičara i to 4 u prvoj klasi, 6 u drugoj i 7 u trećoj klasi. U okviru ekipe nastupali su i prijatelji Tuzamk-a iz Sombora i Bajine Bašte čiji se rezultati nisu bodovali za prvenstvo BiH, ali su uticali na ukupan plasman ekipe na samom Rally-ju.



U turističkom dijelu Rally-ja nastupilo je osam posada sa vozačima : Sead Arifović, Hasan Omerčević, Vernes Mehmedović, Adnan Arifović, Muradif Demirović, Izet Krainović, Jasmin Zečević i Mustafa Behlolović.

Tuzamk je u ukupnom plasmanu zauzeo peto mjesto. U prvoj klasi Alekса Drobina zauzeo je peto mjesto, dok je Zoran Dokazan bio šesti, Sava Brkić sedmi, a Azur Krainović osmi. U drugoj klasi Bajrudin Bukvica bio je deseti, a Dario Nukić jedanaesti. Sejfo Muhić zauzeo je trinaesto mjesto dok je Eldar Begović bio četrnaesti, Asmir Šaranović petnaesti, a Zlatan Atiković šesnaesti. U trećoj klasi Nedim Atiković bio je osmi, a od desetog do petnaestog mjeseta plasirali su se Nihad Atiko-

vić, Aldehaid Suljetović, Jasmin Memišević, Almeduin Salihović, Mirza Jusufović i Kemal Hasić. U klasi invalida prva tri mesta zauzeli su takmičari Tuzamka : Adelhaid Suljetović, Sejfo Muhić i Zlatan Atiković.

Rezultat takmičara Tuzamk-a je očekivan obzirom na konkureniju, pripremljenost vozila i takmičara pogotovo iz Jajca i Zenice.



KARTING PRVENSTVO BiH

Karting trka "Živinice 2012"

Ovogodišnje Prvenstvo BiH u kartingu očigledno kuburi sa domaćinima iako je organizator pripremio sve za njihovo održavanje. Tako se eto otukala karting trka u Srebrenici a ima i još najava otkazivanja. Zato je predloženo da se trka održi u Živinicama uz asistenciju članova karting ekipe Tuzamk-a. Ovo je vjerovatno i uticalo nato da je ovo takmičenje bilo praktički klupsko okupljanje jer drugi takmičari nisu učestvovali.

Postignuti su sljedeći rezultati; u klasi 1 do 60 ccm i klasi 2 do 100 ccm junior Almir Bajrić je bio prvi, Jasmin Nikšić drugi, a Haris Jakupović treći. U klasi 3 100 ccm senior i klasi IV 125 ccm Denis Tulumović je bio prvi, Adil Smajić drugi a Zijad Lonić treći.



DENIS TULUMOVIĆ I ALMIR BAJRIĆ

Karting trka "Istočno Sarajevo 2012"

Treća ovogodišnja Karting trka održana je 14.07.2012. godine u Istočnom Sarajevu u organizaciji Auto 4x4 cluba iz Sarajeva. Trka je održana ispred tržnog centra Simpo u prisustvu izuzetno velikog broja gledalaca koji su svojim aplauzima i nавijanjem učinili ovu trku još spektakularnijom. Trku je otvorio načelnik općine Istočno Sarajevo Gojko Drašković, a delegat SAMS-a BiH Sretko Hadžiabdić proglašio je kao vrlo uspješnu i zahvalio se svim učesnicima i posjetiocima ove manifestacije.

Ekipa Tuzamk-a osvojila je prvo mjesto, a plasmani pojedinačno su sljedeći. U klasi 600ccm prvo mjesto osvojio je Almir Bajrić, a slijede Ajla Jakupović i Haris Jakupović. U klasi 100 ccm junior Almir Bajrić je



prvi, a slijede Haris i Ajla Jakupović. U klasi 100 ccm junior i 125 ccm poredak je bio misti i to Denis Tulumović je prvi, a slijede Zijad Lonić i Adil Samajić.

Emisija o Almiru Bajriću na TVBiH



Izuzetan uspjeh equipe Tuzamk-a, a pogotovo stalni uspjesi bosanskog Šumahera Almira Bajrića privukli su i ekipu TVBiH koja je u okviru emisije BHT1 "Nema problema" snimila polučasovni prilog o Almiru Bajriću, pri čemu je dobar dio emisije bio posvećen karting ekipi Tuzamk-a.



PRESS RELEASE TUZLANSKOG AUTO MOTO
KLUBA. TEKSTOVI I FOTOGRAFIJE URADILI
ČLANOVI SPORTSKE I SAOBRAĆAJNE SEKCije.
ŠTAMPA : TUZAMKTURING TUZLA